

## REGLUR

### um framkvæmd hljóðritana og upptöku lögreglu yfirheyrslna.

#### 1. gr.

##### *Heimild lögreglu til upptöku yfirheyrslna.*

Rannsóknara er heimilt að taka yfirheyrslur af sakborningum og vitnum upp á hljóðband, myndband eða mynddisk.

#### 2. gr.

##### *Tilvik þar sem upptaka yfirheyrslu er æskileg.*

Að jafnaði er æskilegt að taka yfirheyrslur af sakborningum og vitnum upp í eftirgreindum tilvikum:

- a. þegar rannsókuð eru brot á ákvæðum XXII. kafla almennra hegningarlaga, öðrum en 209. og 210. gr.,
- b. þegar rannsókuð eru brot á ákvæðum XXIII. kafla almennra hegningarlaga, öðrum en 217. gr.,
- c. þegar rannsókuð eru brot gegn 173. gr. a almennra hegningarlaga,
- d. þegar sá sem yfirheyra skal er barn undir 14 ára aldri eða sérstaklega er ástatt um hann.

#### 3. gr.

##### *Leyfilegur upptökubúnaður.*

Ekki er heimilt að nota annan búnað til hljóð- og myndbandsupptöku við yfirheyrslur hjá lögreglu, en þann sem samþykktur hefur verið af ríkislögreglustjóra. Fylgja skal þeim leiðbeiningum sem um búnaðinn gilda.

#### 4. gr.

##### *Skýrslugerð vegna upptöku yfirheyrslu.*

Þegar yfirheyrsla er tekin upp skal gera sérstaka skýrslu um framkvæmd upptökunnar. Þar skal koma fram málsnúmer, staðsetning, dagsetning, hvenær yfirheyrsla hófst og hvenær henni lauk, nafn og kennitala þess sem yfirheyrdur er og hverjir aðrir voru viðstaddir. Þegar skýrsla er skráð samhliða upptöku, þarf ekki að gera sérstaka skýrslu um upptökuna, heldur nægir að geta þess í upphafi að yfirheyrslan sé jafnframt tekin upp.

#### 5. gr.

Fyrirkomulag við upptöku yfirheyrslu.

Fyrirkomulag upptöku á yfirheyrslu getur verið með eftirfarandi hætti:

- a. Yfirheyrsla er framkvæmd á hefðbundinn hátt, þ.e. skýrsla er rituð samhliða yfirheyrslu en yfirheyrsla að auki tekin upp.
- b. Yfirheyrsla er tekin upp, en skýrsla rituð eftir á og þá sem samantekt byggð á upptökunni.
- c. Yfirheyrsla er tekin upp og orðrétt endurrit unnið eftir á.
- d. Taka skal hverja yfirheyrslu upp í heild sinni, þar á meðal lestur og hvers kyns frásögn.

## 6. gr.

*Upphaf upptöku á yfirheyrslu.*

Þegar komið er inn í yfirheyrsluherbergi ber rannsóknara án tafar, en að þeim sem yfirheyrsla skal ásjaandi, að taka utan af hljóðbandi, myndbandi eða mynddisk og merkja málsnúmeri, dagsetningu, tímasetningu og nafni þess sem yfirheyrsla skal. Hljóðband, myndband eða mynddiskur er síðan sett í upptökutækið og það stillt á upptöku.

Rannsóknari byrjar á því að tilkynna að yfirheyrslan sé tekin upp, gerir grein fyrir nafni sínu og stöðu, nafni og kennitölu þess sem yfirheyrsla skal og hverjir aðrir séu viðstaddir. Rannsóknari biður síðan hvern þann sem viðstaddur er um að kynna sig. Að því loknu er lesin inn dagsetning, upphafstími yfirheyrslu og hvar hún fer fram. Þá er þeim sem yfirheyrsla skal kynnt þau réttarfarsákvæði sem gilda um yfirheyrsluna, meðal annars heimildir lögreglu til upptöku yfirheyrslna.

Sé annar upptökubúnaður notaður en sem kveðið er á um í 1. mgr. skal framkvæmd hagað þannig að allra öryggisatriða sem þar er getið sé gætt.

## 7. gr.

*Upptöku yfirheyrslu andmælt.*

Ef sá sem verið er að yfirheyrsla andmælir upptöku yfirheyrslu, við upphaf hennar, meðan á henni stendur eða í hléi, ber rannsóknara að áréttta heimildir lögreglu til upptöku yfirheyrslna. Skýrt skal koma fram hvort viðkomandi neiti að tjá sig um sakarefnið eða hvort hann andmæli upptöku yfirheyrslu. Rannsóknari metur hvort rétt sé að hætta við upptöku og halda yfirheyrslu áfram á hefðbundinn hátt, en þess skal þá getið í upphafi skýrslu að sá sem yfirheyrsla skal hafi neitað að tjá sig væri yfirheyrslan tekin upp.

## 8. gr.

*Hlé gert á upptöku yfirheyrslu.*

Þegar hlé er gert á upptöku ber að geta þess, svo og ástæðu þess og tímasetningu.

Þegar upptaka hefst að nýju byrjar rannsóknari á að lesa inn tímasetningu og gerir þeim sem verið er að yfirheyrsla grein fyrir þeim réttarfarsákvæðum sem gilda um yfirheyrsluna að nýju.

## 9. gr.

*Eftirlit með upptökubúnaði.*

Ekki má skilja þann sem verið er að yfirheyrsla einan eftir í eða hjá upptökubúnaði í yfirheyrsluherbergi.

## 10. gr.

*Skipt um hljóðband, myndband eða mynddisk.*

Fylgjast skal með þeim tíma sem til ráðstöfunar er á hljóðbandi, myndbandi eða mynddisk. Þegar skammur tími er eftir af upptökubúnaði skal tilkynna þeim sem verið er að yfirheyrsla að hlé verði gert sökum þess.

Fjarlægja skal hljóðband, myndband eða mynddisk og númera í hlaupandi númeraröð aftan við málsnúmer. Nýju hljóðbandi, myndbandi eða mynddisk er síðan komið fyrir og yfirheyrsla haldið áfram í samræmi við 2. mgr. 8. gr.

Þegar skipt er um hljóðband, myndband eða mynddisk skal fara eftir reglum um merkingar, sbr. 11. gr.

## 11. gr.

*Merkingar og fjölföldun hljóðbanda, myndbanda eða mynddiska.*

Hljóðrita skal á tvö hljóðbönd, myndbönd eða mynddiska. Fyrsta eintakið skal merkt „FRUMRIT“ og er það öryggisupptakan. Hitt eintakið skal merkt „EINTAK“ og er það vinnueintak rannsóknara sem fylgir málinu til ákæranda. Áður en mál er sent ákæranda skal taka afrit af vinnueintaki rannsóknara, merkja það sem „AFRIT“ og fylgir það öðrum afritum málsins.

Ef fjölfalda þarf upptöku er vinnueintak rannsóknara nýtt. Sakborningur, verjandi og réttargæslumaður eiga rétt á afriti af upptöku í samræmi við ákvæði laga um meðferð opinberra mála. Eintök þeirra skulu merkt „AUKAEINTAK“, númeruð og skráð.

## 12. gr.

*Lok upptöku yfirheyrslu.*

Við lok yfirheyrslu skal þeim sem yfirheyrður er kynnt hvernig upptakan verði notuð og reglur um aðgang hans að rannsóknargögnum, þ. á m. upptöku. Að því loknu ber að lesa inn tímasetningu og slökkva á upptökunni.

Rannsóknari biður þann sem hefur verið yfirheyrður og aðra viðstadda að árita öryggisupptöku og eintak rannsóknara. Rannsóknari áritar einnig öryggisupptökuna. Öryggisupptakan er síðan sett í umslag að þeim sem hefur verið yfirheyrður og öðrum viðstöddum ásjáandi, merktu nafni yfirheyrða, málsnúmeri, dagsetningu og tímasetningu.

Umslagið er innsiglið og áritað líkt og öryggiseintakið. Neiti sá sem hefur verið yfirheyrður eða lögmaður hans, ef hann er viðstaddur, að árita umslagið eða hljóddiskinn, myndbandið eða mynddiskinn skal kalla til stjórnanda eða yfirmann rannsóknar til að undirrita sé þess kostur. Geta skal um þetta í skýrslu um framkvæmd yfirheyrslunnar.

## 13. gr.

*Varsla öryggisupptöku.*

Öryggisupptöku skal geyma í eldtrausti og öruggri geymslu. Ekki er heimilt að rjúfa innsigli öryggisupptökunnar, nema að viðstöddum fulltrúa frá embætti ríkissaksóknara.

Ef rjúfa þarf innsigli öryggisupptöku skal setja upptökuna í umslag og innsigla það á ný. Þeir sem eru viðstaddir skulu árita umslagið með sama hætti og áður, sbr. 2. mgr. 12. gr. Rita skal skýrslu þar sem fram kemur ástæða innsiglirofs, dagsetning, tímasetning, staðsetning og hverjir voru viðstaddir.

## 14. gr.

*Upptaka yfirheyrslna í gegnum síma.*

Heimilt er, þegar hagkvæmt þykir, að taka upp yfirheyrslur vitna og sakborninga í gegnum síma.

Auk hefðbundinnar kynningar og upplesturs við upphaf yfirheyrslu þarf sá sem yfirheyrja skal að nefna hvar hann sé staddur og það símanúmer sem talað er úr. Koma þarf fram hvort um yfirheyrslu vitnis eða sakbornings sé að ræða.

Rannsóknari ritar nafn sitt á hljóddisk, myndband eða mynddisk, ásamt öðrum upplýsingum og innsiglar síðan öryggisupptöku.

Um merkingar og fjölföldun upptakna vegna yfirheyrslna í gegnum síma gildir 11. gr.

15. gr.

*Gildistaka.*

Reglugerð þessi, sem sett er samkvæmt heimild í 1. mgr. 72. gr. laga um meðferð opinberra mála nr. 19 26. mars 1991, sbr. 3. gr. laga nr. 86 9. júní 2004, öðlast þegar gildi.

*Dóms- og kirkjumálaráðuneytinu, 6. september 2005.*

**Björn Bjarnason.**

Ásgerður Ragnarsdóttir.